

ALL INDIA RADIO
RNU : : KOLKATA
BENGALI TEXT BULLETIN

DATE – 28.05.2017

TIME – 07.35 AM

বিশেষ বিশেষ খবর :

১। প্রধানমন্ত্রী নরেন্দ্র মোদী আজ বেলা ১১টায় তাঁর ৩২তম মন কী বাত অনুষ্ঠানে দেশবাসীর সঙ্গে তাঁর চিন্তাভাবনা ভাগ করে নেবেন ।

২। কেন্দ্রীয় জলসম্পদ উন্নয়ন মন্ত্রী উমা ভারতী বলেছেন, দেশের নদনদীকে দূষণমুক্ত করে তোলা সব থেকে জরুরী ।

৩। মুখ্যমন্ত্রী মমতা ব্যানার্জী আঞ্চলিক ভাষা শিক্ষার ওপর বিশেষ গুরুত্ব দিয়েছেন ।

৪। পুরুলিয়ার আমডিহা এলাকার একটি বাড়ী থেকে একই পরিবারের দুটি মৃতদেহ ও তিনজনের অচেতন্য দেহ পুলিশ উদ্ধার করেছে ।

৫। সিবিএসসি দ্বাদশ শ্রেণীর ফল আজ প্রকাশ হচ্ছে ।

৬। পবিত্র রমজান মাস আজ থেকে শুরু হচ্ছে ।

প্রধানমন্ত্রী নরেন্দ্র মোদী আজ বেলা ১১টায় তাঁর মন কী বাত অনুষ্ঠানে দেশবাসীর সঙ্গে তাঁর চিন্তাভাবনা ভাগ করে নেবেন। এটি হবে মন কী বাতের ৩২ তম সংস্করণ। আকাশবাণীর ও দূরদর্শনের সবকটি প্রচারতরঙ্গে এই অনুষ্ঠান শোনা যাবে। এরপরেই প্রচারিত হবে মন কি বাতের আঞ্চলিক ভাষার তর্জমা।

দূরদর্শন এবং তথ্য ও সম্প্রচার মন্ত্রকের You-টিউবে এই অনুষ্ঠান শোনা যাবে।

কেন্দ্রীয় জলসম্পদ উন্নয়ন মন্ত্রী উমা ভারতী বলেছেন, দেশের নদনদীকে দূষণমুক্ত করে তোলা সবচেয়ে জরুরী। তিনি গতকাল দক্ষিণ ২৪ পরগণার গঙ্গাসাগর পরিদর্শনের পর নদীঘাটে অবস্থা দেখে ক্ষোভ প্রকাশ করে একথা বলেন। শ্রীমতি ভারতী বলেন, নমামি গঙ্গে সচেতনতা প্রকল্পে রাজ্য সরকারকে শুধুমাত্র দক্ষিণ ২৪ পরগণার গঙ্গা দূষণ রোধে কাজ করার জন্য ১০ হাজার কোটি টাকা দেওয়া হলেও কোনো কাজ হয়নি।

মুড়িগঙ্গা নদী হয়ে সাগরে যাওয়ার সময় ওই নদীর নাব্যতা দেখেও তিনি হতাশ ব্যক্ত করেন। ধারাবাহিকভাবে পলি সরানো না হলে ওই নদীর অস্তিত্ব বিপন্ন হয়ে পড়বে বলেও জলসম্পদ উন্নয়ন মন্ত্রী মন্তব্য করেন।

উমা ভারতী গতকাল ডায়মন্ডহারবারে একজনসভায় গঙ্গাদূষণ রোধে সাধারণ মানুষের মধ্যে সচেতনতা বাড়ানোর উপর গুরুত্ব দেন। তিনি বলেন, গঙ্গার জল পবিত্র হলেও দূষণের কারণে বর্তমানে তা পানের অযোগ্য। দূষণরোধে তিনি রাজ্যসরকারকে উদ্যোগী হওয়ার কথা বলেন।

মুখ্যমন্ত্রী মমতা ব্যানার্জী আঞ্চলিক ভাষা শিক্ষার ওপর বিশেষ গুরুত্ব দিয়েছেন। রাজ্যে তৃণমূল কংগ্রেস সরকারের ছ-বছর পূর্তি উপলক্ষ্যে গতকাল নবান্নে আয়োজিত এক অনুষ্ঠানে মুখ্যমন্ত্রী বলেন, অন্যান্য রাজ্যের মতো এ রাজ্যবাসীরও বাংলা শেখাটা অত্যন্ত জরুরী। এব্যাপারে বাংলাকে অন্ততঃ পক্ষে তৃতীয় ভাষা হিসেবে পড়ার জন্য শিক্ষার্থীদের প্রতি আবেদন জানান।

মুখ্যমন্ত্রী বিগত ছ-বছরের এই সরকারের বিভিন্ন উন্নয়নমূলক কাজের খতিয়ান তুলে ধরেন। দেশের অন্যান্য রাজ্যের থেকে পশ্চিমবঙ্গ উন্নয়নে সেরা কাজ করেছে বলে শ্রীমতি ব্যানার্জী দাবি করেন।

গ্রীষ্মের প্রবল রক্ত সঞ্চয়ের মুখে রাজ্য সরকার চলতি সময়ে ৬৬ হাজার বোতল রক্তের সংস্থান করেছে বলে মুখ্যমন্ত্রী ঘোষণা করেন। ইতিমধ্যেই পুলিশ প্রশাসন থেকে ১৬ হাজার বোতল রক্ত পাওয়া গেছে, বাকী রক্ত দলীয় কর্মী সমর্থকদের থেকে খুব শীঘ্রই পাওয়া যাবে বলে মুখ্যমন্ত্রী জানান।

কলকাতা থেকে বোলপুর ও সিউড়িগামী দুটি শীততপ নিয়ন্ত্রিত বাস পরিষেবারও উদ্বোধন করেন তিনি। অনুষ্ঠানে রাজ্য মন্ত্রিসভার সদস্যগণসহ রাজ্য সরকারের প্রশাসনিক শীর্ষ কর্তারাও উপস্থিত ছিলেন।

পুরুলিয়ার আমডিহা এলাকায় একটি বাড়ি থেকে একই পরিবারের কর্তা সদীপ্ত নন্দী ও তাঁর মেয়ে রিক্তি নন্দীর দেহ পুলিশ গতকাল উদ্ধার করেছে। ওই বাতি থেকেই পরিবারের আরো তিনজনের অচেতন্য দেহ পুলিশ উদ্ধার করে। পুরুলিয়ার সদর

হাসপাতালে আশঙ্কাজনক অবস্থায় তারা চিকিৎসাধীন । এরা হলেন, সদীপ্ত নন্দী স্ত্রী নীতু নন্দী, বৃদ্ধা মা অঞ্জনা নন্দী ও ছেলে অভিরূপ নন্দী । গতকাল খবর পেয়ে পুলিশ ওই বাড়ির দরজা ভেঙে ভেতরে ঢোকে । প্রতিবেশীরা জানিয়েছেন, দেনার দায়ে তারা মানসিক অশান্তিতে ভুগছিলেন । খাবারের সঙ্গে বিষ মিশিয়ে তারা আত্মহত্যার চেষ্টা করে বলে পুলিশের প্রাথমিক অনুমান ।

শিলিগুড়ির কাছে ফুলবাড়ির পশ্চিম ধনতালয়, শ্যালিকাকে অ্যাসিড ছুঁড়ে মারার ঘটনায় পুলিশ, জামাই রমজান আলিকে গ্রেপ্তার করেছে । তার এক সঙ্গীর খোঁজে তল্লাশি চলেছে ।

পুলিশ জানিয়েছে, রমজান আলির সঙ্গে তাঁর স্ত্রী তমিনা বেগমের মাস ছয়েক আগে সালিশী সভার মাধ্যমে বিচ্ছেদ হয় । কিন্তু তারপরেও রমজান, তমিনাকে তার বাপের বাড়িতে গিয়ে বিরক্ত করতো বলে অভিযোগ ।

রমজান ও তার এক সঙ্গী তমিনার বাপের বাড়ির সামনে দাঁড়িয়ে থাকা তার ছোট বোন মমতাজকে অ্যাসিড ছুঁতে পাইয়ে যায় । গুরুতর আহত মমতাজ, উত্তরবঙ্গ মেডিক্যাল কলেজ হাসপাতালে চিকিৎসাধীন ।

পূর্ব বর্ধমানের মেমারী থানার তীরধরিয়ায় এক গৃহবধুকে পুড়িয়ে মারার অভিযোগে পুলিশ তার শাশুড়ি এবং স্বামীকে গ্রেপ্তার করেছে । পুলিশ জানিয়েছে, গত বৃহস্পতিবার রাতে, বছর ২৭-এর জেরিনা খাতুনকে দগ্ধ অবস্থায় বর্ধমান মেডিক্যাল কলেজ হাসপাতালে ভর্তি করা হয় । শুক্রবার রাতে তার মৃত্যু হয় । মৃত্যুর বাপের বাড়ির অভিযোগ, স্বামী ফিরোজ শাহ এবং শাশুড়ি আমিনা বিবি জারিনার গায়ে কেরোসিন ঢেলে আগুন লাগিয়ে দেয়। জারিনা, ফিরোজের তৃতীয় স্ত্রী, চতুর্থ বিয়ের পরিকল্পনায় ফিরোজকে বাধা দেওয়ায় তারা তার গায়ে আগুন ধরিয়ে দিয়েছে বলে মৃত্যুর পরিবারের দাবি ।

পশ্চিম বর্ধমানের দুর্গাপুরের বেনাতিতিতে স্ত্রীকে খুনের ঘটনায় ধৃত এক ব্যক্তিকে ৭ দিনের পুলিশী হেফাজতে পাঠানো হয়েছে । হায়দার আলি নামে ওই ব্যক্তিকে গতকাল দুর্গাপুর মহকুমা আদালতে তোলা হলে বিচারক এই নির্দেশ দেন ।

উল্লেখ্য পুলিশ, ভাড়াবাড়ির উঠোনের মেঝে খুঁড়ে তার স্ত্রী রীণা বিবির দেহ উদ্ধার করে ।

কেন্দ্রীয় মাধ্যমিকশিক্ষা পর্ষদ 'CBSE'-র দ্বাদশ শ্রেণীর ফলাফল, আজ প্রকাশিত হচ্ছে।

CBSE সূত্রে জানা গেছে, ছাত্রছাত্রীরা বিভিন্ন ওয়েবসাইট-এ এই ফলাফল জানতে পারবেন। ওয়েবসাইটগুলি হল- www.results.nic.in, www.cbseresults.nic.in এবং www.cbse.nic.in।

এদিকে সরকারি সূত্রে বলা হয়েছে, পর্ষদের দপ্তর থেকে কোনোরকম ফলাফল জানা যাবে না। জনগণকে ফলাফল জানার জন্য CBSE-র দপ্তরে যেতে নিষেধ করা হয়েছে।

পবিত্র রমজান মাস আজ থেকে শুরু হচ্ছে। কলকাতা নাখোদা মসজিদের ইমাম মৌলানা শফিক কাশ্মী আকাশবাণীর সংবাদদাতাকে এখবর জানিয়েছেন। পবিত্র রমজানের উপবাস রোজাও আজ থেকে শুরু হবে।

হুগলীর চন্ডীতলার তপোবন পার্ক এলাকায় এক ছাত্রীকে গণধর্ষণের অভিযোগে ধৃত চারজনকে গতকাল শ্রীরামপুর আদালতে তোলা হলে বিচারক ২ জনের ১৪ দিনের জেল হেফাজত এবং অপর ২ জন নাবালক বলে তাদের হোমে পাঠানোর নির্দেশ দেন।

উল্লেখ্য শুক্রবার রাতে টিউশন থেকে ফেরার সময় ওই চারজন তাকে গণধর্ষণ করে। তার বন্ধুকে মারধরও করা হয়। ছাত্রীটি পরে চন্ডীতলা থানায় অভিযোগ দায়ের করে।

কলকাতার বেলভিউ নাসিংহোমের সঙ্গে যুক্ত, ধৃত, ভূয়ো চিকিৎসক নরেন পান্ডেকে গতকাল বিধাননগর আদালতে তোলা হলে বিচারক তাকে ৯ দিনের সিআইডি হেফাজতের নির্দেশ দেন।

উল্লেখ্য গত শুক্রবার সন্ধ্যায় এন্টালীর সুরেশ সরকার রোডের চেম্বার থেকে তাকে গ্রেপ্তার করা হয়।

সিআইডি গোয়েন্দারা গতকাল বেলভিউ নাসিংহোমের সিইও প্রদীপ ট্যান্ডনকে জিজ্ঞাসাবাদ করে। শ্রী ট্যান্ডন তাদের জানান, নরেন পান্ডে ২০০৪ সালের পয়লা মে থেকে বেলভিউ নাসিংহোমে চিকিৎসারত। নরেনপান্ডের অ্যাপয়েন্টমেন্ট লেটারে প্রদীপ ট্যান্ডনের স্বাক্ষর রয়েছে। গোয়েন্দারা তাকে আবারো জিজ্ঞাসাবাদ করবেন বলে জানা গেছে।

পশ্চিমমেদিনীপুরের ঘাটালে শ্রীপুর গ্রামে বিদ্যুৎস্পৃষ্ট হয়ে দুই যুবকের মৃত্যু হয়েছে। পুলিশ জানিয়েছে কাঞ্চন মাহাতো ও সদীপ মাহাতো নামে ঐ দুই যুবকের বাড়ী শালবনী রুক এলাকায়। তারা ডেকোরেটারের কাজ করতেন। শ্রীপুর গ্রামে অষ্টপ্রহর হরিরাম সংকীর্ভনের আসরে লোডসেডিং এর সময়ে জেনারেটর চালিয়ে দিয়ে তারা ঘুমিয়ে পড়েন। অসাবধানবশতঃ ঐ জেনারেটর থেকে বিদ্যুৎস্পৃষ্ট হয়ে তাদের মৃত্যু হয়।

নদীয়ার কল্যাণী পুরসভার তৃণমূল কংগ্রেস কাউন্সিলার লক্ষ্মী ওঁরাও এবং তাঁর ওয়ার্ডের সম্পাদক রঞ্জিত দাসকে আক্রমণের ঘটনায় পুলিশ একজনকে গ্রেপ্তার করেছে। রাজু মন্ডল নামে ধৃত ঐ ব্যক্তির কাছ থেকে একটি আগ্নেয়াস্ত্রও পুলিশ উদ্ধার করেছে। রাজু বুদ্ধ পার্কের কাছে জল প্রকল্পে কাজ করে।

কলকাতা বিমানবন্দরে গতকাল নারকোটিক্স ব্যুরো এক ব্যক্তিকে ১২০ কেজি গাঁজা সমেত আটক করেছে। যার বাজার মূল্য প্রায় আড়াই লক্ষ টাকা। আটক শম্ভু দাস নামে ওই ব্যক্তি আন্দামাএর বাসিন্দা। এখানে সে শাড়ী ব্যবসা করতে আসতো বলে জানা গেছে।

রাজ্য সরকার সরস্বতী শিশুমন্দির নামে কোন বিদ্যালয়ের অনুমতি দেয়নি বলে জানিয়েছে। বিধানসভায় বাম বিধায়ক মানস মুখার্জির এক লিখিত প্রশ্নের উত্তরে শিক্ষামন্ত্রী পার্থ চট্টোপাধ্যায় জানিয়েছেন, রাজ্যে সরস্বতী শিশুমন্দির নামে কোন বিদ্যালয়ের অনুমতি না দেওয়া হলেও সারদা বিদ্যামন্দির নামে রাজ্যে পাঁচটি বিদ্যালয়কে শিক্ষা বিভাগের অনুমতি দেওয়া হয়েছে। মুর্শিদাবাদ এবং উত্তর দিনাজপুর জেলায় দুটি করে এবং পশ্চিম মেদিনীপুর জেলায় এই ধরনের একটি বিদ্যালয় রয়েছে বলে তিনি জানান।

হাওড়ার উলুবেড়িয়া থানা এলাকার খলিসানী কালীতলার কাছে হতকাল মধ্যরাতে বেশ কয়েকটি দোকানে আগুণ লাগলে ৩টি দোকান সম্পূর্ণ ভস্মীভূত হয়। পেশে পাটকাঠি ও খড়ের গাদা থাকায় আগুণ ছড়িয়ে পড়ে। ১১টি বাইকও পুড়ে যায়।

দমকলের ৩টি গাড়ি বেশ কয়েকঘন্টার চেষ্টায় আগুণ আয়ত্তে আনে। হতাহতের কোনো খবর নেই।

কলকাতা ও পাশ্চাত্য এলাকায় বর্তমানে যে গরম, আদ্রতা ও অসস্তিকর আবহাওয়া চলছে আপাততঃ তার কোনো পরিবর্তন হচ্ছে না বলে আলিপুর আবহাওয়া দপ্তর থেকে জানানো হয়েছে। প্রতিবছর বৃষ্টি আসার আগে মে মাসে এধরনের পরিস্থিতি থাকে এবং মানুষ তার প্রভাবে হাঁসফাস করতে থাকেন বলেও জানানো হয়েছে।

আগামী ২৪ ঘন্টায় পূর্বাভাসে বলা হয়েছে কোনো কোনো অঞ্চলে বজ্রবিদ্যুৎসহ বৃষ্টির সম্ভবনা রয়েছে। গতকাল দিনের সর্বোচ্চ তাপমাত্রা ছিল ৩৬ দশমিক ৯ ডিগ্রী সেলসিয়াস এবং আজ সকালে সর্বনিম্ন তাপমাত্রা ২৮ দশমিক ৬ ডিগ্রী সেলসিয়াস। দুটি তাপমাত্রাই স্বাভাবিকের থেকে ২ ডিগ্রী বেশি। বাতাসে আপেক্ষিক আদ্রতার সর্বোচ্চ পরিমাণ ৮৯ শতাংশ এবং সর্বনিম্ন ৫১ শতাংশ। গত ২৪ ঘন্টায় বৃষ্টি হয়েছে ছিটেফোঁটা।

কলকাতা লেক ক্লাবের উদ্যোগে আন্তঃস্কুল রোয়িং প্রতিযোগিতা আজ শুরুই হচ্ছে। ভিন্ রাজ্যের দুটিসহ মোট ৩৮টি স্কুলের ৩০০ ছাত্রছাত্রী এতে অংশ নেবে। উদ্যোক্তাদের পক্ষে অরুপ চক্রবর্তী জানিয়েছেন, জুনিয়র বিভাগে দশম শ্রেণী পর্যন্ত এবং সিনিয়র একাদশ দ্বাদশ শ্রেণীর পড়ুয়ারা যোগদান করবে। রোয়িং-এর পাশাপাশি আন্তঃস্কুল সাঁতার ও কুইজ প্রতিযোগিতারও আয়োজন করা হবে।

West Bengal Table Tennis Association এর উদ্যোগে কলকাতা জেলা প্রতিযোগিতা গতকাল শেষ হয়েছে। পুরুষ বিভাগে অভিমু্য মিত্র এবং মহিলা বিভাগে কার্তিকা সিংহ রায় বিজয়ী হয়েছেন। সাড়ে আটশো প্রতিযোগী ৭ দিনের এই প্রতিযোগিতায় অংশ নিয়েছিল।
